

**TULAFONO TAU FAAOFI O TEUTEUGA O LE
TULAFONO O LE FAAFOEGA O LAFOGA
(POLOKALAME FAA-ELETORONI) 2019**

SAMOA

Faamatalaga e Faamalamalama ai

1.0 Sini ma mafuaaga:

- 1.1 Ua talosagaina e le Tulafono Tau Faaofi le teuteuga o le Tulafono o le Faafoga o Lafoga 2012.
- 1.2 O sini o le Tulafono Tau Faaofi e faapea:
- (a) ia aiaia ai mo se malosiaga o le Komesina o Tupe Maua a le Malo (Komesina) ina ia faatino o polokalame faa-eletoroni e maua ai ma mataitu faamaumauga e sa’o atoatoa e uiga i le faaeeina atu o se lafoga; ma
 - (b) e faatagaina ai le faia o tulafono faatonutonu, e faatinoina ai le faamoemoe o le faatuina o polokalame faa-eletoroni i lalo o le parakalafa (a) ma aiaia ai malosiaga e faamaonia ai faamatalaga ma faamaonia aloaia le agavaa o polokalame faa-eletoroni e le Komesina.

Fuaiupu:

- Fuaiupu 1:** - ua aiaia ai mo le igoa puupuu ma le amataga.
- Fuaiupu 2:** - ua faaofi ai se fuaiupu 29A fou ina ia aiaia ai mo le malosiaga e faatino ai polokalame faa-eletoroni mo le faamoemoe o le mataituina o faamaumauga sa’o atoatoa e faasino i le faaeeina atu o lafoga, ma faatagaina ai le faia o tulafono faatonutonu e aiaia ai mo mataupu

e fesootai ma le faatinoga o polokalame faa-eletoroni, ma aiaia ai mo nisi o malosiaga o le Komesina e faamaonia ai faamatalaga ma faamaonia aloaia le agavaa o ia polokalame faa-eletoroni.



.....
(Hon TUILAEPA Auelua Fatialofa Lupesoliai Lolofietele
Neioti Aiono Galumalemana Dr. Sailele Malielegaoi)

SUI MINISITA O TIUTE MA TUPE MAUA

**TULAFONO TAU FAAOFI O TEUTEUGA O LE
TULAFONO O LE FAAFOEGA O LAFOGA
(POLOKALAME FAA-ELETORONI) 2019**

SAMOA

Faatulagaina o Aiaiga

1. Igoa puupuu ma le amataga
2. Ua faaofiina le fuaiupu 29A fou

2019, Nu.

O SE TULAFONO TAU FAAOFI UA TAU

O SE TULAFONO e teuteu ai le Tulafono o le Faafoega o Lafoga 2012 (Tulafono autu).

UA FAIA e le Fono Aoao Faitulafono a Samoa i totonu o le Palemene ua potopoto e faapea:

1. Igoa puupuu ma le amataga:

E mafai ona taua lenei Tulafono o le Tulafono o Teuteuga o le Tulafono o le Faafoga o Lafoga (Polokalame Faa-Eletoroni) 2019 ma e amata faamamaluina i le aso e tuuina i ai le maliega a le O Le Ao o le Malo.

2. Ua faaofiina le fuaiupu 29A fou:

I le tuanai ai o le fuaiupu 101 o le Tulafono autu, ia faaofi e faapea:

“29A. Polokalame Faa-Eletoroni:

- (1) E mafai e le Auaunaga o Tupe Maua ona faaaogā ma faatino polokalame faa-eletoroni ina ia maua ai ma mataitu faamaumauga sa’o atoatoa e faasino i le faaeeina atu o se lafoga.
 - (2) E mafai e le O Le Ao o le Malo, i luga o le fautuaga a le Kapeneta, ona faia tulafono faatonutonu i lalo o le fuaiupu 101 e faatonuina ai mataupu ia e manaomia mo le faatinoga o polokalame faa-eletoroni ua faavaeina i lalo o le faafuaiupu (1), e aofia ai tulaga nei:
 - (a) tuutuuga po o aiaiga ua tuuina atu e le Auaunaga o Tupe Maua;
 - (b) tualumaga ma taiala mo le aoina mai ma le faamaoniga o faamatalaga ma le faamaonia aloaia o le agavaa o polokalame faa-eletoroni;
 - (c) o soligatulafono ma faasalaga mo le lē tausisia o so o se tuutuuga po o aiaiga ua tuuina atu e le Auaunaga o Tupe Maua po o, so o se manaoga e faasino i polokalame faa-eletoroni.”.
-